

Le dotur Eduard **Agreiter é demez ai 15 y 16** (jöbia y vëndres) d'otober y vëgn sostitui dala doturia Mählnkecht 349 06 67 034

La doturia Margarete Mählnkecht é demez dai 19 (lönesc) ai 23 (vëndres) d'otober y vëgn sostituida dal dotur Eduard Agreiter 0474 523 315 / 333 13 80 852

L'apoteca **Pütia** é stlütta dai 18 ai 25 d'otober.

I **Stödafüch da San Martin controlarä** en sabeda, ai 17 d'otober, dales 8.00 ales 11.00 i destodadus a polber tl magazinn di stödafüch. Chi che ó lascé controlé sü destodadus é bel invia; le control é important por podëi i adoré tl caje de medefüch.

PLOANIES SAN MARTIN Y LUNGIARÛ

Incö domënia dales 15.00: a San Linert: **prozesciun cun Chël Bel Dî da La Crusc.**

En jöbia, ai 15 d'otober, dales 20.00: **incuntada dla Caritas dles ploanies a Badia**, te calonia. Al foss dër dërt sc'al nen foss n valgügn de vigni ploania che toless pert. Chësc invit vá a vignun, y vignun é dër bel perié. Info Karmen Rienzner 0474 414 064.

Oraziun de Taizé en vëndres, ai 16 d'otober, dales 20.00 tla capela da Oies.

Cërtil dla Bibla: L'ater lönesc (19/10), dales 20.00, mët man te calonia da San Martin na seria de incuntades sura le vangele de san Lûca. Chi che tol pert dess se tó do na bibla intiera (taliana o todëscia) y s'impegné da tó pert a dotes les 4 sêres. *siur Ploan*

Le consëi dl'Unité Pastorala Val Badia á fat fora da tigní n'**Edema dla Fede** te dōta la Val Badia dai 18 ai 25 d'otober sot al tema „La fede m'á daidé!?!“ Le program gnará injunté ala plata. Vignun se toles dlaurela da jí almanco a n per d'incuntades. Les uniuns ti paîsc vëgn periades te chësc tēmp da ne tigní nia d'atres reuniuns. *siur Degan*

Padre Giuseppe s'acompagnëia a La Ila söl tru de nosta fede le vëndres ai 23 d'otober 2015 dales 14.00-18.00 cun mëssa y la sabeda dales 09.00-12.00 y dales 14.00- 17.00. Info y iscriziuns pro Ingrid 331 85 65 697.

SAN MARTIN

Le KVV da San Martin invieia en jöbia, ai 15 d'otober, fora da **Santa Maria da Ehrenburg** a na devoziun y spo a na picia marëna. I jun cun auti privac pian ia dales 13.30. Prëibel prenotesse cina en dedemesaledema 0474 523 133 o 338 92 31 013.

LUNGIARÛ

La Uniun di Seniors invieia i seniors en sabeda, ai 24 d'otober, dales 19.00 sō Vantsch a na griliada. Le cost é de 18 euro plü le bëre. Prenottesse cina en mercui (21/10) pro Annelies 0474 590 067 da misdë. -----

Le Zënter Families Ergobando mostra en mercui, ai 14 d'otober, dales 10.00 coch'an porta i picci mituns cun la **fascia da porté (Tragetuch)**. Info Sofia 338 71 73 577.

La Cassa Raiffeisen Val Badia mët a jí na sêra d'informaziun sura i contribuc, inzentifs fiscai y le model nü de Sparagn Ciasa por la **costruziun y le ressanamënt dla pröma ciasa** a La Ila tl salf dla Cassa Raiffeisen en mertesc, ai 13 d'otober, dales 20.00.

Le Raiun Sozial Val Badia mët a jí cun la Ciasa de Palsa n referat cun Gregorio Rungger **Le bot al ce - ictus**. Cai é pa i sintoms dl bot al ce - terapies da aconsié tles prömes ores y la prevenziun: en dedolönesc ai 20 d'otober dales 20.00 tla Ciasa de Palsa. Düc é bel invia.



internet: www.valbadiaonline.com

Plata dles Ploanies San Martin y Lungiarü

siur Iaco Ploner 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

11.10.- 18.10.2015 nr. 45

termo da publiché: jöbia 20.00
radio: 90,40 / 93,70



28^a DOMËNIA IA POR L'ANN B

Vangele: Merch 9, 38–43.45.47–48

Dailò ti à Gejù ciarè ados, y deach'al ti orò bun, ti àl dit:

Öna na cossa te mancia chiamò:

Va y vënn ci che t'as, dà i scioldi ai püri y t'aras n tesur tl cil;
spo vî y vime do!

Mo chël à ciafè la ria canch'al â aldî chësc y é jü cun tristëza demez;
deach'al â n gran avëi.

Dailò ti à Gejù ciarè ia a sù discepui y ti à dit:

Tan ri ch'al é por jënt che à tröp,
da rové tl règn de Dî!

I discepui é restà mal por sües parores.

Mo Gejù ti à chiamò dit:

Mi mituns, tan ri ch'al é da rové tl règn de Dî!


Denant va n camel fora por n büsc de na odla,
che n rich röies tl règn de Dî.

Mo ëi s'à spordü chiamò deplü y dijô un al ater:

Chê sciafia pa spo da gnî salvà?

Gejù ti à ciarè ados y à dit:

Por la jënt é chësc imposcibl, mo nia por Idî.



N vangele bindebó ri, aldiunse incö. Cis sc'i ponsun che chësc vangele podess ince valëi por me.

I viun pö indertöra: I se dun da fá por chi che nes adora, i periun scialdi vigni de, i jun a dlijia - y impò: Al ne tleca nia, deache te na manira tan radicala co Gejù ghira, ne viunse impò ne nia.

Mo al me consolëia le fat che chësc vangele cunta trëi iadi: „Gejù ti â ciarè“.

Gejù ne mët nia sò regoles stares zënza avëi la sensibilità por la realté.

Al ti ciara a súa jënt, al ti ó bun y deach'al ti á crëta, la veghel da ghiré tröp.

Y olach'al devënta massa tröp por ëi, él Idî che brancia ite.

Y insciö é la conferta cun chël ël rich impò chiamò: Buna Noela.

Mo se porvé, chël messunse impò.

	SAN MARTIN		LUNGIARÜ
11.10.15 28^a Domènia ia por l’ann B <i>Jan XXIII, papa</i>	9.00 Corona 9.30 Gran Mëssa dla comunité	11.10.15 Domènia	<i>Segra da Lungiarü</i> 7.55 Corona 8.15 Gran Mëssa dla comunité 15.00 Corona tla capela de S. Ujöp Freinademetz
12.10.15 Lönesc <i>Maximilian, Herlinde</i>		12.10.15 Lönesc	
13.10.15 Dedolönesc <i>Eduard, Andreas L.</i>	15.30 Mëss a Bioch en onú de santa Maria por les animes en onú de santa Tarejia de Lisieux por i benefaturs dl ann + Maria Pedevilla + Corrado Castlunger	13.10.15 Mertesc	
14.10.15 Dedemesaledema <i>Callistus I., Alan</i>	19.30 Corona d’otober	14.10.15 Mercui	7.50 Mëssa di scholars + Vittoria Clara, Somví + Vito Clara
15.10.15 Jöbia <i>Tarejia de Gejù (d'Avila), Aurelia</i>	7.30 Mëssa di scholars en onú di Agnui Custodi + + Sepl y Monica Tavella + + fam. Hermann Costabiei Corona por vocaziuns	15.10.15 Jöbia	
16.10.15 Vëndres <i>Hedwig, Margareta Maria Alacoque</i>	19.00 Adoraziun chîta 19.30 Corona d’otober	16.10.15 Vëndres	7.30 Mëssa en onú de san Florian + Albina Clara
17.10.15 Sabeda <i>Ignaze d'Antiochia, Anselm</i>	10.30 Noza a Picolin de Margot Tavella y Roman Rudiferia 15.30 Mëssa tla Ciasa de Palsa 18.30 Mëssa prefestia fam. Marcus Sorá de rengraziamënt dl ann + Maria Unterweger + Carlo Moling (dl ann)	17.10.15 Sabeda	20.00 Mëssa prefestia familia Scimun Schanung familia Claus y Karin Costa + Franz Pezzei, Ghestan
18.10.15 29^a Domènia ia por l’ann B Domènia dla Dlijia Mondiala <i>Segra de Düc</i> <i>Lüca vangelist</i>	9.00 Corona 9.30 Gran Mëssa por les families <i>Oferta por les Misciuns</i> AL MËT MAN L’EDEMA DLA FEDE	18.10.15 Domènia	7.55 Corona 8.15 Gran Mëssa por i Maridá Iubilaris <i>Oferta por les Misciuns</i> 14.00 Bato de Fabian Sorà 15.00 Corona tla capela de S. Ujöp Freinademetz AL MËT MAN L’EDEMA DLA FEDE